


CROCOLOGIA.

—
J. F. HERTODT.

Beche
1671







654391A

MEDICAL SOCIETY OF LONDON



ACCESSION NUMBER

PRESS MARK

- (1) HERTODT, J.F.
- (2) HERTODT, J.F.
- (3) BECHER, J.J.



OPUS MIRIFICUM
SEXTÆ DIEI,

id est

H O M O

Physicè, Anatomicè, &
Moraliter in potiores su-
as partes dissectus

à


JOAN. FERDINANDO

HERTOD à T. Ph. & Med. D. Sacr.

Rom. Imp. Academ. Nat. Curios. Orpheo,

& Reg. Civitat. BRUNENSIS

Physico.



J E N Æ,

Sumtibus VITI JACOBI TRESCHERI,
Bibliopol. Wratislav.

Typis JOHANNIS NISII, M. DC. LXXI.



Reverendissimo & Cel-
sisimo Principi, ac Domino,

DOMINO

CAROLO,

Episcopo Olomucensi,
Duci, S. R. I. Principi, Re-
giæ Capellæ Bohemiæ, &
de Liechtenstein Comiti
&c. &c.

Domino meo elementissimo.

Qui es illa post sextam na-
scentis Mundi diem, qua
DEUM Ter Max, *ab omni*
opere, quod patrarat, cessasse, ge-
storum Divinorum Historio-
graphus memorat, jucundum
simul, ac necessarium in opere
sextæ diei Homini proponit de-
studandi laborem: quem, qui
subit intrepidus, eundem jam
absolvit ab omni conatû etiam
audacioris censura hortator
Deus, dū idcirco tradidit Mun-
dum disputationi nostræ, Mundum
inquam Parvum, Hominem.
Exantlavi, quoad viribus & fa-
cultate licuit sextæ diei hujus

A 2labo-

aborem adeò, ut fesso, nisi qui-
 es iterata, supersit nihil. Et verò
 hanc ad Sacratissimas Aras Tu-
 as, Reverendissime & Celsissi-
 me Princeps, quibus Opuscu-
 lum istud consecratum venio,
 me reperturum sperarem, nisi
 in ipsis aræ gradibus casuram
 victimam vererer, ipsius sextæ
 diei nomine territus, quod per-
 cussis omnibus etiam Reveren-
 dissimam Celsitudinem Tuam
 percellere posset, ut quæ à Me-
 dicis antiquissimis angui, à Ga-
 leno tyranno comparatur.

Taceo senarium hunc diem
 in sacris paginis nescio quid in
 vover

3.
volvere horroris, laboris, & ser-
vitutis: præcipiente DEO sex
diebus faciendum opus, sex
diebus colligendum manna,
sex annis seminandam terram,
sex item annis servos Hebræos
Dominis suis famulari.

Non commemoro, senari-
um numerum afflictionum
humanarum esse indicem,
quippe: Id quod homo patitur,

aut est

Labor:

Dolor:

Timor:

Casus:

Infirmitas:

Mors.

De quo senario patientissimus ille, in quem poenarum omnium congeries confluit, Job: *in sex tribulationibus, inquit, liberabit te, & in septima non tanger te malum.* An hæc ergo Leoninam Reverendissimæ Celsitudinis Tuæ Fortitudinem expugnent? minimè: levia sunt illa, hæc inexpugnabilis. Propter quod arbitreris Te quotidie in speculo congenitæ Tibi Lucis, ut, quo minus humani alienum à Te deprehenderis, penitus noscas Te ipsum. Sed quid hæc memoro? vertant stylum Numerantes Arithmetici, qui sena-

rium

5.
rium ajunt numerum perfe-
ctionis, & inter omnes perfectos
esse principem.

Adeò ut jam videam, cur
perfectissimus numerorum
Comprehensor DEUS, omnia
constitutus in numero, pon-
dere, & mensura, sextâ die con-
diderit Hominem, scilicet, ut e-
um super omnia opera sua, *que*
erant valde bona, & perfecta Uni-
versalem post se Dominum ac
Principem relinqueret. Cui
perfectiōi ne quidquam desit,
senarius humanus numerus
partibus se metientibus exactis-
simè commensuratur; Unitati

incomposito: Dualitati in Anima & Corpore: Trinitati in tribus animæ potentiis, Intellectu, Voluntate, Memoria, è quibus perfectissimus Homo coalescit. O! numerum & mirum & beatum, qui licet sex præfatas involvat poenas, immunitatem tamen evolvit à septima, testibus justis, *quos non tetigit tormentum æternæ mortis.*

Beatiorem dicam ego hunc numerum, imò diem, si eum Reverendissima Celsitudo Tua inter calculos clientum suorum facili numeratione retulerit, diemque hunc ex nefastis
beni-

benignè expunxerit. Perfecto
 ab Imperfecto ingenio operi, i-
 mò mihi à labore soluto gratu-
 labor, si in Portu quietem, ab
 Episcopali Gubernaculo secu-
 ritatem invenero.

Explora Aquilinis Prosapiæ
 Unguibus ad scientiæ radios
 novellum hunc partum meum
 & si degenerem offenderis, ex-
 cute felici impulsu ad Lucis
 Tuæ Sicilem, quo velut ignita-
 bulo excitetur in Te flamma
 Amoris & benevolentia; in me
 verò rogas ad debitum hoc ob-
 sequii pignus Honori Tuo con-
 cremandum, meque totum u-

na cum affectibus & studiis o-
mnibus Reverendissimæ Cel-
situdini Tuæ, cui jam dudum
ex nomine morior æternum victi-
mandum.

*Reverendissima Celsitud.
Tuæ*

cliens devotissimus

JOANNES FERDINAN-
DUS HERTOD. à T. Ph.
& Med. D.

CERE-



I.

CEREBRUM.

Regia Solis.

Suspice

Inclyta Mundi Intellectualis Respublica!

procedit Rex tuus

Tamquam Sponsus de thalamo suo.

Cautè tamen accede,

Ne dum *Totum* videre desideres, vide:

as nihil;

Radius est totus.

Securius ages,

Contemplatura Regiam per partes,

Et singulos administras,

Quoad propius adorare liceat

Regis Majestatem.

Aula Cœlum est triplex;

Terre.

Terreum, Cranium:

Aëreum asperum, Dura:

Empyreum, Pia Mater.

Intelligentiarum illi, Intellectionum isti
Domicilium:

Conservantur illi à suis, hi suos
conservant incolas.

Fœcundæ Matres!

Tot partuum Divinorum Geni-
trices,

Quot in his coelis circumvolant cogi-
tationum stellæ.

Sed quomodo Genitrices?
Si prolem quam *capitis*, non *concepitis*?

Quam *complectimini*, non *amatis*?

Dura Mater pias affectiones nescit:

Pia, dum ostendit, simulat;

Quæ post amorem alternis ferit Sym-
ptomatibus,

Neque ita gementem miserata na-
tum fugit:

Sed

Sed intra pericranii muros, oculo-
rumq; tunicas
subdolas latebras
absconditur.

Identidem tamen *Pietatis* repetit
vestigia,

Nutrimenta spiritibus animalibus li-
beraliter suppeditans:

Gemellos alibi *Natura uni* largitur
Matri,

Hic *geminis* Matribus *unam*
prolem.

Mirificus ergo partus!

Extra nutrias jam Matrum curas
constitutus

ruit generosus in arma:

Sed à quibus Mars cruentus exulet.

Quatuor sinus,

Quaternas obeunt pro salute Regis

Vigilias,

Armamentarium dixeris:

In

In horum tres *Maris Rubri*, hoc est
sanguinis piratae dum se insi-
nuant,

Post longam luctam
Portum intrant *Falcatum*
Sinum Tertium,

Qui
Fidissimus intimi Cubiculi Custos,
Nauta peritus,
Pocillator syncerus,

Avertit sanguinis aestuantis procellas,
Toxicum ab antidoto segregat.

Quod unquam Palladium!
Tot habuit Excubitores Trojanos?
Quis Salomon tot pendulos è turri
Clypeos?

Sed jam
Pulsatis modeste à custode foribus,
Regium conspicitur solium
Currui Phaëtonis invidiosum,
Sine tamen Microcosmi incen-
dio.

Qua-

Quadrigam habet,
Appetitum, Imaginationem, Ingenium, &
Memoriam.

Quorum postremus Nomen-
 clator expeditus,
 Gestorum, gerendorumq;
 seriem
 maturè suggerit.

Hinc

Rex ipse,

Agenda solerter trutinat,
 Cautè circumspicit,
 Celeriter consulit,
 Maturè judicat,
 Prudentèr decernit.

Proh quam activi solis hujus radii
 Phœbeis illis hodierni Astro-
 nomi
 ad fixos Cœlorum orbes ex-
 currere
 non concedunt.

His

His in mundum non tantum suum,
Sed extrà sphaeram abire licet,
Se ipsis Majoribus.

Nihil hic futurum, aut præteritum,
Nihil distans, absens nihil,
Quia *Rex* hic intelligendo sit omnia.

Verbo
Sphæra est,
Cujus centrum ubique, circumferentia nus-
quam,

Nisi in DEO.
Undè
quidquid extrà ipsum est,
in ipso est.

Testatur Natura:
Quæ alterum adhuc in Cerebro finxit
Hominem,
ut credas,
Non rationalium solùm,
Sed & realium entium esse recepta-
culum.

iv Contractum maximum

Exiguâ Capitis mole contentum

Sui comprehensorem com-

prehendit,

quia nihil non com-

prehendit

Similitudo DEI,

Trinitatis Effigies,

Divini Spiritûs aura,

In quo solo

Cessavit DEVS ab Univerſo opere

Quod patrârat.

II.

OCULI.

Mundus Amoris.

Πάν ἐν Πάντων.

Dixit; an erravit vetus Philosophia?

a nimirum in hoc Univerſo singula

sua sunt,

B

Uc

Ut nihil minus verum esse vi-
deatur,

Quam quod *Omnia in Omnibus*
Et *Omnia* sint in *Vno*.

Ubi enim hoc Naturæ, sive Mon-
strum, sive

Miraculum repereris?

Elementa disident, Viventia ri-
xantur;

Generatio Unius est Corruptio al-
terius;

Mors mea Vita tua;

Demum

Omnes quæ sua sunt querunt.

Desperandum esset de aliquo Regn-
Amoris,

Nisi haberemus in promptu Par-
vi Mundi

Magnum Mundum,

Oculos dico.

Amoris, an Miraculorum
binos Loculos;

*Vbi verè & omnia in omnibus, & in Vno
Omnia.*

Nam quæ est ista pars hominis ho-
mine major?

Quæ particula Mundi æqualis
Mundo?

Imò millenorum una capax,
Ut exindè causam flendi cum Alexan-
dro habere nequeat.

Et bene!

Nam *Mundus Amoris* est Oculus.
Amor trahit omnia; & trahit in se o-
mnia;

Et hic *Mundus* ipsum in se
Amorem complectitur.

Errasti Alexander, errasti.

Mundus unus duos soles jam patitur:
Sed *Mundus Amoris*.

Ubi & duo Vnum sunt, & Vnum Omnia.
Bina hinc egrediuntur, bina exeunt,
Hæc tamen bina sunt singula.

B 2

Et

Et quid illud?

Ingreditur *Oculum* terra, nec obruit:

Infunditur *aqua*, nec diluit:

Inferit se *ignis*, nec exurit:

Immiscet se *aër*, nec agitat:

Infinuat se *Cælum*, neque implet
quem *Cæli* non capiunt.

O! jucunda sedes *Amoris*!

Eccè,

Quomodo hic neque calida frigidis,

Nec frigida calidis bellum movent.

Hic convenit, quidquid uspiam repu-
gnat.

Et ô! eruditum contradictionum
chaos!

Ubi *Omnia* sunt *Vnum*.

Oculus est *ignis*, & non est,

Est *Omnia*, & non est;

Pugnant hic *Omnia* mutuo, & non
pugnant.

O! A-

O! *Amor*

qui facis *Vtraque Vnum.*

Quam Victores!

Quando vicisti Naturam, vicisti Phi-
losophiam.

O! *Imperioſe Amor!*

Quænam hæc Virtus eſt Oculi?

Aperit ſe Oculus, & Mundum recipit:

Claudit ſe, & Mundum excludit:

Quibus armis? quâ potentiâ?

O! *Volucris Amor!*

Momentum eſt, quo Cœlum, quo
ſidera, quo

Univerſum pervolas.

O! *Magnes Amor!*

Adhuc nescio, an ad Solem Oculus
evolet videndo:

An Sol ad Oculum?

Certè niſi Sol eſſet in Oculo, & hic
in illo,

Non eſſet *Mundus Amoris* Oculus.

Dicite *Cœlorum Anatomici*

Quod ejus Centrum? quot orbes?
An undecim, octo, an Unus tantum?

Hæretis, erratis!

Dicam.

Felicior est anatomia Oculi, & facili-
lior,

Et ex hac visibili ad illam impercepti-
bilem

Si placet, arguendo conscendite.

Centrum Oculi, Sole est,

Sed mobile.

*Pupilla, inquam, Amoris, atque Maje-
statis thronus;*

Sed o! *quam benè hic conveniunt,*

Atque in una sede morantur,

Idem Clementiæ, & Severitatis tribuna

Discordium amicarum,

*fenestra animæ, index, porta, vita & O-
mnia.*

Ubi ordinatissima specierum con-
fusio,

Et *Mundus* earum *Chaoticus*.

Hinc

Nigra est, ut eas occultet; *Illustris*, ut
aperiat,

Arcana, ut mysterium quo plena
est, celet:

Haut futura Miraculum, si non
esset arcana.

Imò *arcana*,

Quasi *arca*, sed *crystallina*,

Quæ humore *crystallino* constat
quasi *Cælo crystallino*.

Scilicet!

Vel hodiè discetis *Astronomi*

Sitne *Cælum* corporeum solidum,
an liquidum?

Postquam *Cælum* primum *Oculi* est
& solidum,

Quia *crystallus*.

Et liquidum, quia humor.

Et gelu est, & non concrescit.

Et aqua est, & non diffluit.

Et gemma est, & non riget.

Et lux est, & nigrescit.

In Omnibus Vnum.

CrySTALLUM Vitreus humor complectitur,

Dignum tali patellâ operculum!

Vel si mavis, dicito:

CrySTALLINUS Vitreo humori ut annulo
pro gemma est;

Hoc sibi despondet Amor Omnia

in Regno suo.

Negate jam *Adamantem* in *CrySTALLO* na-
sci qui hæc scrutamini.

Sanè hic vitreum gelu *crySTALLUM*,

Et hæc lucidissimam pupillam, quasi

Adamantem;

Quia *amantem Amoris* facem
parturit, & nutrit.

Sed ô! *Lucina*, fave tam pulchro partui.

Eccè enim cum prole Matrem ex-
cipit aliud

retiforme Cælum!

Utri-

Utrique struit amabiles infidias;
 Et dum utrumq; capit, decipit
 amandissimâ fraude.

Ab hoc enim ambæ stringuntur; ne
 diffuant,

Arte analogâ, quâ Deus

Extendit Cælum suum sicut pellem.

Et jam in quarto Coelo sumus, quod
 efficit

Tunica Uvæ similis.

Anne hi sunt fructus *Terræ*? sed illa
 in quarto Coelo esse non per-
 mittitur.

Illam tamen *Terram* & nigredine,
 & concavitate refert.

Et quia vitreo humori superstat,

Intelliges factum Divinum,

Quo *DEVS* firmavit terram super aquas

Nisi quod mollis sit; ne dum pre-
 mit, lædat;

Et tenuis; ut quod obscurat,
 detegat,

Se-

Sequuntur *aque supercaelestes,*

Humor aqueus.

Nam & hic opus est,

*Vt Vnda flammæ temperet, terræ solum ne
dissipent:*

Et ut solidior sit consistentia,

Placuit Naturæ *Corneam Tunicam* super-
induere:

Nemireris, si verum est;

Cœlos, etsi fluidi sint in concavo;

In convexo tamen rigescere.

Tribus Univerſa hæc mundi corpore
machina digitis appenditur;

Sed Mundo Amoris

duo nervi sufficiunt;

Quia *Societas duorum, Deorum est.*

Hi decussatim Oculos ad Cerebrum
adnectunt,

Ut non neges Regnum Oculorum
Cerebro,

& Mente pollere.

Haber

Habent insuper suas illi *Intelligentias*,
Ex his septem assignavit Philosophus
Universo,

At erravit licet;

Oculus septem musculis
velut totidem *Intelligentiis*
quaqua versus movetur.

Nec miraris: quid cum *Septimo Numero*
habet *Amor*!

Sanè novimus *septem* esse dona
spiritus Divini;

Et *septies*, imò & *septuagesies septies*
ignosci jubet *Amor*.

Et Oculi septem orbibus constant;
In hoc dolendi;

Quod incorruptibiles non sint;
Vltimi enim, teste Plinio, vivunt, &
primi moriuntur.

Et verè corporeum coelum, si viveret,
etiam moreretur.

Mortales igitur sunt Oculi;

Sed

Sed animantur, & vivunt:
Quia solorum animantium est
in omnem partem procedere.

Quare,
Non est hoc Universum, ex Platone
Magnum animal;

Benè tamen *Oculus est Parvi Mundi*
Parvum Animal.

Tantò mirabilius;
Quanto in *Vno Parvo* sunt *Omnia*
Mundo Amoris.

III.

A U R E S.

Mundus Pythagoricus.

Silentium!

Appresso ad labia digito

Senex indicit Pythagoras.

Vacate auribus muti Discipuli!

Pigeat obrui pulcherrimum orga-
num

ingratis terræ stridoribus; Ec-

Eccè, ecce enim.

An auditis? *svavissimam* Cœlorum
concertantium harmoniam,

Et concordem mirâ discordiâ Mu-

sicen?

Illi verò arrectis auribus cum nihil au-
diant,

somniare Magistrum crederent.

At non sic ego;

Qui umbraticum illius ingenium

novi.

Alterius sine dubio Cœli hilarem con-
centum

Sub hoc schemate proposuerit,

ut merito indigitem

auris Istum esse *Mundum Pythagoricum,*

Labyrinthum miraculorum,

Musarum antrum,

&

Novos Cœlos Musicos,

Specum *Vulcaniam*

&

Lepo-

Leporis, atque Charitum officinam.
 Et o! quam benè
 Natura Mundum Amoris Oculum
 appofuit
 Mundo deliciarum, & lætitiæ.
 Nam non est verus Amor, ubi amaror.
 Et si Oculus est quædam rerum *piçtura*
 Est auris earundem *Mufica*
 Quia Pictura est filens *Mufica*,
 Et hæc loquens *Pictura*.
 Facile mirandam Oculum inter, &
 Aures
 convenientiam deprehendes,
 &
 combinabis excellentiam.
 Ibi Amatur, hic Gaudetur,
 Ibi inchoatio, hic beatitudinis
 consummatio.
 Isthinc Amor ad fe trahit Omnia, fed
 Aures etiam Saxa.
 Quod pupilla Oculo, his foramen o-
 vale præstat;

Ub

Ubi tunica aranea captivat curio-
sissimam pupillam;

In Auribus pubes Vulcania
dexterrimâ vicissitudine

vincula fabricat

ovali foramini.

Cerne enim & stapedem, & malleo-
lum, & incudem.

Et ne Musica organa desideres,

Quod Oculis est tunica cornea; hoc

Auribus Tympanum.

Agitur humoris aquei & vitrei loco

Anima Musica, aër:

Tabula, in qua pinguntur visivæ spe-
cies

est humor CrySTALLINUS;

Tabula verè rasa:

Ast in qua notæ vocales exprimuntur

jucundo inter se errore perplexæ

sunt labyrinthæi aurium Mæ-

andri.

Hic

Hic quidquid in cochleam, nervosq;
auditorios inciderit,
crederes in Minotaurum incidisse.

Adeò irrecuperabile est, quidquid
sonorum eo usq; perreperit.

Cave tibi hic *Admirator Curiose*,
Ne & tu hæc audiendo absorbearis.

Illud saltem refer ex omnibus,

Et si in Uno Parvo Mundo
plures reperiantur alii:
Cor scilicet, Oculus, & Auris.

In hoc tamen cæteris præeminere
hunc

Orbem Pythagoricum, lude
Quod misceat utile dulci;

Motum Concentui;

Ut concludere necessum habeam:

Aures esse Cælum beatorum,
reliquos Viatorum.

IV. NA-

N A S U S.

Capitolium.

Incaſſum triumphos adornatis
Jactabunda Microcoſmi Mem-
bra,

Nondum viciftis!

Apello

Ad Sacroſanctum Themidis Sacrari-
um,

Aſtreæ Tribunal,

Æquitatis arcem,

Diſcretionis juſtiſſimæ immobilem
ſtateram,

Inviſtiſſimam *Libani Turrim*,

Nafum, inquam

Jurisdicundi in Microcoſmo *Capitoli-*
um.

Ipe ſuæ cauſæ Judex erit & Ad-
vocatus,

C. Nihil

Nihil illo justius, nihil candidius.
 In odorando sagax,
 In judicando offeus,
 In exequendo nervosus;
 Ab innumeris arteriis, & venis,
 minimè austerus, neq; tamen
 venalis.

Suas ille sententias
 Ex processibus mammillaribus format;
 Hi duri sunt, ubi cranium egressi
 A dura Matre tunicas velut armaturam
 mutuant,
 Ut habeas Judicem in vindictam
 paratum.
 Molles sunt, ubi intrà cranium
 non mortui, sed sensui con-
 ducunt.

Nempe ita sensatum Rhadamantum
 experiri licet.

Duri, atque fortes sunt in confiniis;
 Ut insultibus non cedant

occur-

occurrentium particularum.

Idem humidi:

Neque enim solum ignem spirare Na-
res debent,

Aqua igni, clementia irae
contemperanda est.

Lati sunt, atque dispersi;

Quibus vagos in unum odores colli-
gant;

Neque enim sine amica discretione
diu stabit aliqua Respublica.

Et quia ubivis mali bonis permixti
sunt:

Etiam hîc inter excrementitios
humores

odores tamen non obruuntur.

Deniq; Judex pronunciat
bi triumphum & gloriam deberi, ut
pote

ut Capitolii immobile saxū accolat,
id est *Capitis olidum tribunal.*

LINGUA.

Mare Microcosmi.

Sta Curiole, & obstupesce!

In hac oris abyflo

Clauditur Monstrum informe, indom-
mitum, ingens.

Neque timueris tamen:

Habet enim *Veſtem* & *oſtia*,*Præceptum ſempiternum*,*Quousque veniat, & confringat fluctus*
ſuos tumentes.

Optimum ſimul ac peſſimum:

Non tot inſanum Mare, non gladius
non feræ,Quot unica *lingue Vorago* deglutiit.Adeò *Mors* & *vita* in manibus ejus.

Sanat eadem; quia Medicinalis:

Occidit; quia *gladius acutus*:

Ejus acumen vel exindè cognoſces,

Quod

Quod adamantina lorica sit ei pro ce-
ra.

Nemo tutus ab ea, si sæviat.

Mollis est, & dura:

Si patitur frænum, nihil ipsâ tractabi-
lius:

Si respuit, nihil contumacius:

Humida est & sicca:

Ejus humor eruditus quanta det stu-
diis incrementa,

Nemo est, qui explicet.

Cesset linguæ officium, & cessabunt
scientiæ.

Eadem si diffluit, odiosa:

Si moderato silentio arescit, gratiosa.

Candida est & Rubicunda:

mirare

Tur innumeros una colores non præ-
ferat

cum Chamæleonte,

C 3 Per

Per quam ciborum tot atque liquido
rum

transeunt tincturæ.

Et cum sit tota effrons, & impudens

Rubet tamen assidue

præ Verecundia:

Ut ideò *Mare Rubrum* esse non nega

veris,

Postquam non Unus Pharaō cum

exercitu

hoc barathro haustus est.

Et cum Mari similis sit,

Attamen eadem rete crassius æmula

tur,

Ut sit eadem quæ capiat & capiatur,

Præda simul & piscator,

Nunquam satis constans.

Æqualis simul & *inequalis*,

Teres & quadrata,

Tota mobilis;

Dum nervorum, quasi ventorum

paribus duobus usque-

usquequaque jactatur.

Nunquam in hoc *Mari malacia est,*

Quia nunquam non aliquid *Mali.*

Etsi taceat, non otatur tamen :

Nam affluente aquâ salivali ut Moli-
tor

Cibum intrâ dentes subigit.

Nisi malis vocare piam Nutricem,

Qui præmasticatam escam in os sto-
machi ingerit.

Saltem Coquus est,

Qui in lebetem Ventriculi coquenda
minutè dispertit.

Est ea acutorum morborum signum,

Quæ etiam silendo
refert arcana cordis.

Nec juverit

Duplici eam vallo, & in fornice con-
camerato cohibuisse,

Ut in secreto sit.

Tunc enim, ne ferietur, *dolos concinnat.*

C 4

Deni-

Denique mille noxarum rea cum sit,
 nemo eam accusare possit
 nisi ipsa.

Sed nec laudare, nec absolvere:

Sibi ipsi, & à se laudabilis,

Omnium tamen muto calculo

Lingua ut maligna lapidatur.

VI.

C O R.

Primum Mobile.

Somnianti Tullio

Si verum ingemuit Africanus,
 pro puncto Universi Terræ,
 ferro & igni frustra decertari;

Errat in *Corde*,

In quo

pro primis sedibus

celeberrimæ quatuor facultates

amoris igne & mentis acie

strenuè depugnant.

Pri.

Primum Mobile expendit Astronomus,
 Quantitatem metitur Geometra,
 Vitam in igne miratur Philosophus,
 Subjectum Gratiae suspicit Theologus.

Dignum certamen!

Sed cur *Primum mobile* in Medio
 rimaris Astronome?

An hic esse Copernicum laudabile est,
 Quod extra spirat hæresin?

An quia motus regularis à Medio?

Hinc ergo *Cor*

Per Diastolem opes colligit,

Per Systolem distribuit;

Per illam ditiescit,

Per hanc exinanitur;

Per illam sanguinem recipit,

Per hanc communicat;

Quiescit, cum movetur

Motus à *se* valde

Mutat locum, non amittit:

Ita ad leges *Primi mobilis*;

C 5

Quod

Quod utpotè sphæricum locum a
mittere nequit;

Quo moto movetur Humanum
systema;

Huic soli quidem impera,
quiescent cætera;

imò peribunt,

Quia noxia hæc est quies;
siquidem *Cor*

Est Primum vivens, ultimum moriens.

Jam ô! Geometra

Adapta Mensuram,

Magnum hic latet sub Parvo Quan-
tum;

Ingens nempe Virtus sub parva mole,

Quia unita fortior.

Capacius est, quò angustius;

Parvitas, quæ membris quandoque
obeat,

Huic prodest.

Proh quanta *Cordis* amplitudo!

Defi-

Deficiet laudatissimum in metiendo
sine mentiendo principium;

Pars hinc major est suo toto,

Exilis Hominis portio,

Toto Homine grandior.

Admittit omnia,

Nec impletur,

Post omnes thesauros adhuc avarum;

Post omnes delicias adhuc avidū;

Post omnium bonorum copiam
adhuc egenum,

Post omnem plenitudinem vacuum.

Quadraturam Circuli

Quam alibi frustraneè tentasti,
hic invenis;

Inventum Archimedeo dignum tripudio!

Quadratum Geometricum

Regulariter in triangula duo

Rectan-

obtinuit Rectangula Iſoſceliã

dividitur:

Cor è ſimilitriangulo in Circulum

ex duplo circuli in Quadratum

perfectè tranſit.

Cordi ergo debemus, quod olim In-

tellectui.

Acutior verò Ariſtotele Philoſophus: Lym

Vitam (quis credat) in igne Cordis re-

perit.

An ergo non verus ignis?

Qui fornax eſt primigenii caloris,

focus centricus,

Clibanus flammæ vitalis

In obſcuro corporis ergaſtulo

Irradiat omnia; non illuminat.

Amabile miraculum!

Vitam fovet ignis, quàm conſumit a-

libiſ;

Humore fugatur alibi, hic alitur;

Veſcitur alienis, abſtinet ſuis,

U

Ut alienis det se & sua.

Ab hoc igne copiosus adeps non ab-
sumitur,

Imò nec liquefcit;

Quia nimirum huic igni frigus

novâ Symbolizatione ami-
cum est;

Lymphaticum certè prudenti delirio

Cor

humore lymphatico

à pericardio disgregatur;

Lympha & ignis

Extra Cor perpetuas foveant inimici-
tias;

In corde singularem spirant amici-

tiam.

Theologus denique

In hunc Divinarum Gratiarum Oce-
anum

Sine naufragii periculo se im-
mergit;

Et

Et quid Theologus,
DEUS ipse adeò Amore Cordis arde-
 scit,

ut illud *Sibi* praeberi exambiat.

O! miraculum supra naturam!
 Petit Cor Hominis **DEUS**, qui illud
 condidit,

Rem suam petit quasi alienam,
 Donari rogat debitum
 quod jure exigit.

Scilicet

Emancipavit Cor Hominis **DEUS**,
 Dum Hominem liberum reddit,
 Et capacem sui fecit quantulamcunq;

portionem Hominis.

An verò Hospitium **DEUS** non im-
 pleat

quod sibi extruxit?

Recusétne Homo, cui desideratissi-
 mus impresit sui desiderium?

Hinc

Hinc

Ut ad *Primum Mobile* revertamur

& in eo finiamus;

Cor eousque agitur inquietum

Quousque repleatur eo

Qui solus hospitium hoc replere potest.

Mersus fuisset

In hoc Oceano D. Augustinus,

Dum Mysterium SSS. Trinitatis

scrutaretur intellectu,

prætergressus naturam,

Ab Angelo didicit errorem;

Nisi clausisset ingenium;

Aperuit ergo in vicem Cor,

Et, quem totus non capit Orbis,

Totum excepit

DEUM.



PULMONES.

Regia Ventorum.

Spiritus unde veniat, aut quo vadat.

Quidvè faciat Ventis pondus?

Ignorare voluit *Sapientia*.

Quasi verò nesciret *antrum* istud *Tho*

racis offe

in Homine

Genuinam esse *Ventorum Regiam*;

Pulmonum inquam receptaculum.

In Microcosmo igitur origo Spiritû
à duobus in una carne follibus est.

Cum hoc novo Miraculo;

Quod fornacem cordis afflando re

frigerant;

non accendunt.

Et expirando fumos resorbeant
quos fecerint.

O! pul

O! pulchrum *Cordis flabellum*
 & *Ventilabrum Pulmo!*

Languenti ab Amore Cordi tu Vita
 es,
 tu solatium.

Tu, Avicennæ, *Cordis es culcitra.*
 At quomodo Ignis in Vento tutè
 quiescit?

Tu *Cordis arca*; & ecce!
 Hinc ille perpetuus tremor, an timor?
Pulmonum;

Timentium sibi auferri thesaurum
 suum.

O! sollicite Alumne cordis!
 Pellicano amantior!

Hic si proprio sanguine; tu carne sub-
 stituis,

Quidquid domestico alimento
 defuerit
 pro *lampade Vitæ.*

Hoc verò libenter ignoro, quod dicā.

D

Quis

Quis *faciat* Pulmoni *pondus*, quis de-
mat?

Gravitat ille, & premit diaphragma;
Levitat idem, quando Cor non op-
primit.

Mollis cum sit, durefcit;
Et durus ita est, ut mollescat;
Diffimilis idem sibi, & similis.

In hoc laudabilis;
Quod ingressu arteriæ asperæ, non
exasperetur;

In hoc fortis;
Quod nervis alligatus, motu tamen
perpetuo agitur.

Et hic filete Curiosi,
Postquam motum perpetuum inve-
nimus,
quem risistis.

Ex quo solvite, quò abeat Ventus;
Abit enim ut redeat.

Semper novus, & nunquam.

Ita Nihil sub Sole Novum! VIII.

VENTRICULUS.

Vulcania Jovis.

Ingeniosa etiam extra ingenium Na-
tura est,

Artium alibi Magistra solùm,

In *Microcosmo* simul rerum *Creatrix*,Escarum *Conditrix*,

Membrorum formatrix,

In chaotico *Ventriculo*.

Quæ hic Elementorum pugna?

Frigida miscentur calidis, humentia
ficcis,Cui tamen bello *Salus* debetur *omnis*;

Profusus hic sanguis

Vitam advehit, non avehit:

Ignis absque flamma,

Aqua sine frigore,

Fumi oculis innoxii,

Gratissimus Cerebro Morpheus.

Quot in hac fornace bullæ:
 Tot Intellectui cuduntur acumina,
 Voluntati amoris jacula,
 Memoriae tabellæ,
 Linguae fulmina,
 Reliquis membris nectareæ dapes,
 Dulcissima lactis & sanguinis Am-
 brosia.

Accipit ut tribuat,
 Alitur ut alat,
 Laborat ut reficiat.

Qui nisi ita *laboret*, miserè laborat,
 Et *laborantibus* ineptè cum eo reliquis
 De fabricæ humanæ structura
 actum agitur.

Cyclops iste fabriles *sudores* non tergit
 Viperinos partus non abhorret,
 Vulnera non metuit
 Pius in membra Pellicanus.

Manè (prius) *rapit prædam*,
Vesperè (posterius) *dividit escas*,

An-

51.

Ancillantibus illi
protenfis Intestinatorum gyris,
& mesentericis, atque thoracicis la-
cteis.

Desudat ille indefessus,
Ut exindè
Sudorem agnoscas in Vultu,
Sine quo aliter Homini
Pane vesci non licet.

Huic
Vos membra cætera
Mutuam debetis operam,
A quo habetis,
Quam vivitis
Vitam.

IX.

HEPAR.

Ignis Subterraneus.

Si rerum omnium principium non
est Ignis,

D 3

Vitæ

Vitæ saltem est,
Utpotè primum vivens, & spiritus
vitalis.

Quod anima corpori; hoc Terræ I-
gnis;

Ut meritò hanc *Ollam* dixeris *accensam*;
Quæ in se humores omnes digerat,
atque consummat.

Nisi fallor,
Hepar in Microcosmo simile quid est;
Primum vivens aliquibus dictum:

Quia nemo dat, quod non præhabet.
Vita est Hepar
mori inscia.

Nam Plinio, Jecur est maximæ vetu-
statis,

tu dic immortalitatis.
Primum ejus commodum sentit sto-
machus

sentina illa ciborum,

Cui Hepar vel pro coquina est, vel
pro igne
ut lebeti.

Microcosmo quantum quidem pro-
ficat;

Tantum, si irascatur, officit.

Blandum simul, & terribile.

Utile idem, dum per ductum Choli-
dochum ejicit

quidquid excrementitiæ bilis est;

Inutile, si retinet.

Immotum ipsum pendet
à diaphragmate mobili, quod non
gravat;

Et quod mireris;

Ab Hepate etiam promovetur hodiè
sanguinis circulatio.

Dic proinde Intelligentiam,

quæ Imnota movet,

aut DEUM quendam;

Qui est primum Immobile, movens
omnia.

Et ô ! rectè Vulcanus Veneris sponſus
 & Pater Cupidinis dici poſſet.
 Hepar enim blanditiarum fomes
 & omnis amoris principium eſt,
 juxta illud:

Gaudet amare ſecur.

Et quia omnis *amans* propè *amens* eſt;
 Hinc adnexam habet fellis ve-
 ficulam
 furoris amantium Incentiyam.

In hanc

Quâ arte bilioſus tranſcoletur ſan-
 guis,

Hærent Philoſophi, cæcutiunt Me-
 dici,

ſtupet profanum Vulgus.

Nec mirum;

Cæcus enim eſt Amor, cæca ejusdem
 ſedes;

Inexplorata hic omnia.

Nam

Nam si destillatione fit; ubi vestigi-
um?

Si præcipitatione; ubi acidum?
i suctione; ubi artis, vel Naturæ me-
dium?

Dicerem
Quod per arterias cysticas, & poros
vesicæ felleæ

Sanguis delatus in bilem abeat,
Quo vinum aceto superfusum
modo.

Sed quia *Anima omnis in Sanguine est,*
ergo Mors omnis in felle est;

Amando quippè animamur, odien-
do morimur)

Et quæ societas vitæ ad Mortem?

Quæq; ad invicem commixtio,
aut conversio?

tamen tanti inimici tam proximi
sunt amici,

Nam D s Ut

Ut exigua tantum tunica dividantur
 Neque hoc solum est quod mireris
 Ut enim mediante igne subterrane
 Mineralium aquarum sapor dulcoratur,

Sic in Hepate sepe ratâ bilis amaritudo
 Sanguis ad vitæ alimoniam dulcescit.

Defineret in Microcosmo esse Cœlum;

Si isthinc Nectar & Ambrosia non
 proveniret.

Dicite Ethici, an Nutrix plus conferat
 Maternè, an Nutrix plus conferat
 proli?

Et si hæc alterâ, concludite,
 Hepar esse Nutricem Hominis indefessam.

Atque adeò Parenti in amore, & cultu præferendam.

LIEN.

Infernus Parvi Mundi.

Lien

*Bilisatræ, velut Plutonis Regia,
Tristissimarum cogitationum*

Parens,

Phantasmatum horridorum

Erebus,

Doloris, ac Mœroris Cocytus,

Obliviosa lætitiæ Lethe,

Pœnosus Acheron:

Idem tamen, quod stupeas,

Charitum gratiosum domicilium,

florentium risuum Majus,

Lætitiæ, & hilaritatis Campus quidam

Elysium,

Non immeritò cuiusdam fabulosus,

*Qui simul verus Microcosmi Infernus
videatur.*

Vorax

Vorax est Infernus, nec minus Lien
Quo pinguescente corpus macrescit
teste Hippocrate.

Et quia ex *Inferno nulla est redemptio*;
Qui semel in barathrum hypochondriacæ
Passionis inciderit,

Nullâ quasi potentiâ eum eripueris.

O! abyssus, o! chaos.

Ex eadem confusione nascitur risus
& dolor,

Dum *splen* ridere facit.

Dicite Ingenia;

Si rectè idem homo *risibilis* simul,

& *flebilis* definiatur.

Quia verò Lien sine vitæ periculo ex
scindi valet,

affero,

Risibilitatem esse accidens,

non proprietatem.

Ringamini Dialectici!

Certè

certè si Infernus non est de essentia
Magni Mundi;

Nescio, cur sit Lien ut principium
Risus & Luctus.

Nec scio cur *Sapiens* esse melius
doceat

intrare in Domum *Luctus*,

quam *Risus*;

quando eadem utrumque insepara-
biliter capit.

ura dicat ipse de se, qui linguæ figu-
ram refert;

Gravem tamen ne dicito

hunc Infernum,

quando etsi *renem* premat, non op-
primit;

Levis est, & amabilis;

postquam innumeras arterias à ramo

Celiaco,

quasi totidem à *Cælo* influxus recipit.

Uno

Uno ostio plurimi in *stygem*,
 Paucis etiam venis abundans in Lie
 nem

nutrimentum cadit.

Et rueret sanè Infernus tot discord
 um populorum,
 rerumque affluxu;

Nisi totius Terræ ambitu pressus te
 neretur;

Nam etiam Lien
 Tunicâ crassâ, & firmâ admodum
 immersus est,

Ne scilicet
 contrariarum particularum ingred
 entium contactu dissolveretur.

Adeò neque si *Sathanas* in se ipso di
 sus sit,

Stare potest Regnum ejus.



RENES & VESICA.

Naturæ Separatorium.

*Cardiognostes DEVS*Eâdem excellentiæ prærogativâ,
uâ *Cordium* sibi reservavit scrutatio-
nem,complexus est & *Renes* :
scrutans corda, & *Renes DEVS* : *probans*
Renes & corda.Miraris hæc Admirator ?
Experire Utriusq; Indolem, & com-
bina.Utrobique sedem fixit Amor;
In *Corde Individui*,
In *Renibus speciei*.hinc prodeunt cogitationes, & curæ
domesticæ;Ex *Renibus* amor & cura *Universi*.

Quod

Quod Cor avarum congregavit, di-
sipant Renes;

Et quia *melius est dare, quam accipere,*
Illud ad se omnia trahit; hidant.

Illius ingluviem mille Mundi non sa-
turant;

A Renum foecunditate impletur
Orbis.

Quare si amor boni communis ante-
stat Philautiæ;

Habent aliquid Renes, quo Cor exsu-
perent.

Nisi mavis Cor esse *Solem*, & Renes
Lunam

in hoc Microcosmo,

Reperies quod admireris;

Figura Renum semilunaris est; & cu-
non plena?

Sed si utrumque conjunxeris,
Plenam observabis.

Sicu

Sicut & illud deprehendes,
 Lunam hanc non minus Generatio-
 nis auêtricem,
 & Dominam esse, veramque Lu-
 cinam,
 quæ de tenebris educat victuros -
 in lucem.

Ita *Cor*, & *Rehes*
 sunt

Frater, & Soror,
 Duo luminaria prima

Diei, & *Noctis*
 principes.

Sanè *Dies* curis, *Nox* Amoribus
 sacra est!

Habet tamen & hæc *Luna* quoque
Lumen suum,

Suasignium, & caloris officinas.

In *Corde* vita cuique sua decoquitur;
 In *Renibus* aliena.

E

Penè

Penè infructuosus evaserat suo Mun-
do

hic *Planeta*;

Nisi quod inibi serosa portio sangui-
nis

probetur in igne.

Miraculum omne Chymicæ artis hic
repereris.

Utrobique purum ab impuro se-
cernitur.

Hic quidem,

ubi Renum artifex Natura,

vigili oculo Argo oculatior;

Imò tot oculis, quot cellulis & pa-
pillis

serum destillans observat,

Ne cum inutili sorde pars sincera, &
utilis

nutrimento excernatur.

Ita felicior est Microcosmus Macro-
cosmo!

nam

nam iste in sordibus nunquam res
 purgatis
 velut in Augiæ stabulo
 ad aures volutatur.

Accedit altera mira felicitas ;

Quod separatum in Renibus serum ;
 congregetur in Vesica ;

Undè agmine facto simul ejiciatur.

Ne tamen id contingat ex impetu :

Apposuit extremis Natura foribus vi-
 gilem Musculum,

qui exituris pro libitu aperiat sæcib9
 ta demum puritas, & integritas Mi-
 crocosmi

Uni Renum, & Vesicæ industriæ
 debetur.

XII.

UTERUS.

Alma Tellus.

Magne Alexander

pone lacrymas:
 Uno plures *Magno Mundo* non dantur
 qui

Immortali sterilitate damnatus
 similem sibi parturire nescit.

Magnus ergo *Magnum* quid ni capias
 Imò *Magnus* non est, qui solus est;
 quia nemo solus beatus,

Ve Soli!

At non sic *Microcosmus*!

Magnus idcirco vocandus, non *parvus*
 qui parva nescit gignere
 sed *Magna*; id est seipsum.

Plora nunc *Alexander parve*,
 Infiniti ex uno *Mundi* sunt,
 quos nunquam cæperis;
 ut qui se ipsos non capiunt.

Nam qui potuit concipere *DEUM*,
 quomodo à se, vel à te capiatur?

Concipitur tamen *Mundus* in *Mundo*.
 Imò innumeri ex uno,

O! pre-

O! pretiosam, Illustrem, & amabi-
lem

Hominis generationem!
ed quomodo pretiosa, si inter ster-
cus & urinam concipimur,
generamur in sordibus.

Et si in tenebris confovemur,
quomodo Illustris?
quomodo amabilis?

Ubi in doloribus parturimur,
Mortui prius, quam viventes,
Parricidæ, quam filii,

Genimina viperarum,
ius docti vulnerare materna visce-
ra,
quam fovere sua,

Prius carnifices, quam Homines;
A dolore vitam,

mò Mortem auspicamur à Vita:
Ante plorare coacti; quam ridere;
Hem! vanè dicti Naturâ risibiles!

Pretiosa tamen est generatio *Hominis*

quia *Animalis* *Di-vini*,

Et operum *divinorum* *pariochæ*

Illustris; quia *Lumen de Lumine*,

utpotè *Lucis* *increatæ* *imago*,

& *particula* *Divinitatis*.

Quis verò te non amet ô! *decus* *Uni-*
versi,

Pulchrum *Pulcherrimi* *Ecypon*,
Similitudinem *ipsius* *Pulchritudinis*,
 & *amabilissimæ* *varietatis* *Paradysum*.

Sed heu! male *Paradysum* dixi!

quia *malum* *bono*,

spiritum *corpori*,

æternum *corruptibili*,

coelesti *terrenum*,

Luci *tenebras*,

Vitam *Morti*,

Infando *vinculo*

permixtam dixi.

fallor!

Non

Non moritur Homo, dum sibi simili
lem seminat,

& metit

De corruptione in corruptionem,

De Morte Vitam,

De tempore æternitatem.

O! ergo felix permixtio!

Ager iste tam foecundus, *Vterus* est:

Cessa imprudens cum Pyrrha Deu-

calion

venenatos Draconis dentes,

aut tu Cadme in sulfos lapides

huic agro committere.

Tener est & humanus.

In quem semen utriusque sexûs pro-

lificum

vel conjicitur, vel attrahitur.

Ad sunt huic operi *Testes bini*,

Sivè qui Terram hanc sub iugo pro-

scindant,

Sivè *testentur* legitimè, sœminam et f
bonam,

Natum tamen esse *Malum necessarium.*

Instrumenta hæc porrò genitalia
carent vasis deferentibus,
ut suppleant nervuli tendentes per
transversum

in tubos Fallopianos.

Nervos habent:

Ut confluxu spirituum animalium a-
nimentur

jucundâ tiillatione ad laborem.

Nec desunt alij à lumbis, & osse sacro
cum ramulis sexti paris nervorum
cerebraliū;

Ne scilicet solertissimum omnium o-

pus
Præter Renum, & Cordis concur-
sum

fieret *sine cerebro.*

Hinc

Hinc postea *Vulva* sese aperit, quasi

Vulva,

& cum hac insignis illa officina

In qua mirâ & ineffabili arte
microcosmus concipitur, fovetur, &
generatur.

In hujus apice *Clythoris* residet
Destrum illud veneris, & amoris dul-
cedo,

quam *Nympha*, & *Caruncula* comi-
tantur;

se deessent sive *Lucinae*, sive obstetri-
ces;

quæ laboranti in partu Matrî
dulcedine solatii delerent timorem.

Stabilitur amplius
ligamentis quatuor Uterus,

Ne illius sequatur procidentia:
ut verum sit

quod omnium, tam artis, quam na-
turæ operum

E 5 funda-

fundamenta *quadrata* sint.
Sanè beatitudinis sedes in *quadro* posi-
ta est,

quaternis virtutum columnis in-
ædificata;

& quatuor causarum generibus,
velut Atlante

Manibus, pedibusque binis obnixo
Universa Mundi Moles subsistit.

At nunc ad gestationis miracula con-
vertimini;

Extenditur Uterus, nec tenuatur;
Calcitrat foetus, nec lædit;

Immergitur colliquamento, nec sub-
mergitur;

Fœces colligit, nec læditur;
Urinam sibi mingit, nec excoriatur.

Miserandus Homo, simul & miran-
dus;

Felix simul, & infelix;
Pulcher & deformis.

Vis

Vis seire, quid sentiam?

Verbo dicam:

*Homo est pulcherrimum Naturæ
monstrum.*

XIII.

EXTERNÆ COR-
PORIS HUMANI
PARTES.

Microcosmus Visibilis.

Apage!

qui primos Homines olerum more
productos

cum Euripide & Archelao hallu-
cinaris;

aut à serpentum dentibus pro-
germinatos

figmento Poëtico commi-
nisceris.

Eter-

Aternus Plastes

Fecit hominem ad imaginem & similitudi-
nem suam.

Creavit eum

Visibilis naturæ spectatorem,

Intellectualis Mystem,

Regni terreni Regem;

Quid terreni?

Si Sapiens dominatur & astris,

A solis Angelis paulò minoratus;

Cui

impressus sit à Divina idæa character,
quem contremiscant & pavescant
omnia.

Sed spectator qui est,

Visibili etiam partium externarum
concinnitate

Spectandus exhibetur,

Disputandus traditur.

Rimare numerum:

Et

Et nunquid advertes, quæ bina sunt in
extremis,
solitaria in medio collocata?

Appende pondus;

Et experieris totum Hominem ita

ισορρόπον

ut nihil redundet, nihil prægravet:

Animantes cæteræ pronæ in terram
inclinantur,

Arbores & plantas suoptè pondere
ruituras

adnatæ terris radices fulciunt:

Solum Hominem erectum,

Partes omnes æquilibratæ

diffimâ in centrum gravitatis con-
spiratione

à lapsu præservant immunem.

Examina mensuram:

t proportionem ubiq; videbis Geo-
metricam;

A cen-

A centro pubis
per extrema pedum, manuum, & ca-
pitis
perfecta circuli peripheria ducitur;
Expansæ manus & pedes cum capite
Pentagonum constituunt æquilate-
rum.

Dimidium staturæ pubes;
Tertia pars præcordia;
Quarta cubitus;
Quinta Lacertus;
Sexta collum à capitis vertice;
Septima truncus cubiti;
Octava caput;
Nona cervix;
Decima manus.

Contemplare novum Mundi sy-
stema:

Caput in Arcticum porrigitur;
Pedes in Antarcticum excurrunt;

Læva

Læva manus ortum, dextera occa-
sum signat.

Primum mobile

Sanguis diurnâ pericycloſi circum-
actus;

Luminaria magna, Oculi;

Montium curvatura, campago offi-
um;

Venæ, arteriæ, nervi, & capilli,
ratioſa fruteſcentium ſylvarum Sce-
nographia,

interfluentes rivi, Vaſa Lymphatica;
Promontoria, & magnæ continentes

Pedes, manus, & caput;
Zonæ frigida ob nativam humidita-
tem

in vertice & plantis;
limba torridum ob æſtum cordis in
pectore;

Zonæ temperatæ in manibus
admirandorum operum effectrici-
bus; Ele-

Elementa

Quatuor humores,
Variis Symbolismis invicem se am-
plectentia,

Dissymbolismis fugientia;

Eclipses,

Per symptomata, & deliquia;

Terræmotus,

Per tremulas febrium concussiones

Fulmina,

Per subitos paroxysmorum furores
innotescunt.

Quid pluribus?

Plato Hominem Divinum miracu-
lum

suspexit.

Aristoteles finem rerum omnium
agnovit.

Divina Veritas

Omnem in Homine creaturam esse
pronunciavit.

FINIS.

am
;
ones
ore
rac
ium
nef



